



UKA 2015/161 Ilanngussaq 2

Inatsisartut Ilaqutariinnermut Peqqissutsimullu Ataatsimiititaliaanut

Ilaqutariinnermut Peqqissutsimullu ataatsimiititaliap 19. oktober 2015-imit inissiani attartortittakkani ineqarnermut tapiissutaasartut pillugit apequtigineqartunut akissutit.

23. oktober 2015
Sagsnr. 2015-116690
Dok. Nr. 2047199

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ilan@nanoq.gl
www.naalakkersuisut.gl

- 1) Akileraarutitigut ilanngaatiit massakut aningaasarsianut ilanngullugit naatsorsorneqarnissaat sooq naapertuutinnigitsutut isigineqarnersoq pillugu immikkut nassuiaat Akileraarutitigut ilanngaatiit massakut aningaasarsiat tunniunneqartut annertussusiannut, taamaalillunilu aamma attartortut aningaasanut atorsinnaasaannut sunniuteqarnerat tamatumani eqqarsaatigineqarpoq.**

Akissuteqaat 22. oktober 2015-imi nassiunneqarsimasoq innersuussutigineqassaaq.

- 2) "Inissiamut taassumalu aqqissugaaneranut" erseqqinnerusumik maleruagassanut nalunaarutip imarisassaatut eqqarsaatigineqartut pillugit immikkut nassuiaat.**

Akissuteqaat 22. oktober 2015-imi nassiunneqarsimasoq innersuussutigineqassaaq.

- 3) Aningaasat ineqarnermut tapiissutinut maanna immikkoortinneqartut tamarmiusut pillugit nassuiaat.**

Aningaasaliissutit matumani atugassiissutigineqarsimasut Aningaasanut Inatsimmi konto pingaarnermi 30.11.10-mi takuneqarsinnaapput. Tamatumani aamma kommunikuutaartumik pisartagaqartinneqartartut, sulinermut atatillugu kisitsisit naatsorsuutigineqartut aammalu ineqarnermut tapiissutinut aningaasartuutit tamarmiusut takuneqarsinnaallutik.

- 4) Ineqarnermut tapiissutinut aningaasat tamarmiusut inissianut attartortittakkanut makkununnga qanoq agguataarneqarnerisut paasissutissiissutigineqarsinnaava:**

- ⇒ **Namminersorlutik Oqartussat illuutaat attartortittakkat**
- ⇒ **Kommunit illuutaat attartortittakkat**
- ⇒ **Ingerlatseqatigiiffiit pisortanit pigineqartut illuutaat attartortittakkat**
- ⇒ **Ingerlatseqatigiiffiit namminersortut illuutaat attartortittakkat**
- ⇒ **Inuinnaat illuutaat attartortittakkat.**

Akissuteqaat 22. oktober 2015-imi nassiunneqarsimasoq
innersuussutigineqassaaq.

- 5) **Inuinnaat attartortitsisarnerisa 2001-imi ineqarnermut tapiissutit pillugit maleruagassanut ilanngunneqarnerat aningaasaqarnikkut qanoq kinguneqarsimanersoq nassuiaqqullugu qinnuigineqarputit.**

Akissuteqaat 22. oktober 2015-imi nassiunneqarsimasoq
innersuussutigineqassaaq.

- 6) **Siunnersuut isumaginninnermut tunngasuni maleruagassanut allanut tunngatillugu ajornartorsiutinik nassataqarnersoq ataatsimiititaliap takujuminaatsippaa. Siunnersuut assersuutigalugu utoqqalinersiaqarneq, siusinaartumik pensionisiat aammalu pisortanit ikiorsiissutit pillugit siunnersuutitut tunngatillugu ajornartorsiutinik nassataqassanersoq nassuiaateqarfigisinnaaviuk? – Tamanna apeqqummut tullermut atasutut isigineqassaaq: utoqqalinersialinnut, siusinaartumik pensionisialinnut allanullu sulisinnaasunut suliffeqarfinni ataannarsinnaanerit ineqarnermut tapiissutinik pisariaqartitsilluinnartut eqqunngikkaluarlugit inatsisitigut maleruagassiuunneqarnissaat qanoq qulakkeersinnaavarput?**

Pisortat ikiorsiissutaat pisariaqartitsineq tunngavigalugu tunniunneqartarpoq. Innuttaasoq pisortanit ikiorsiissutinik tunineqartarpoq, sap. akunneranut aalajangersimasumik pisartagaqartinneqartarpoq. Aningaasartuutit allat – ineqarnermut akiligassat ilanngullugit kommunimit isumagineqartarput. Taamaattumik ineqarnermut tapiissutit annertussusaat tamatumani pineqartumut aalajangiisuuaallaanngillat, tassami ineqarnermut akiligassaq tamarmi matussusiivigineqartarmat. Ineqarnermut akiliutinut tapiissutaasartut kisiisa qanoq kommunit akornanni agguaneqartarnerannut sunniuteqartarpoq.

Assigiinngitsutigut sunniutigisartagai, soorlu sulisinnaassutsip aningaasanillu katersisinnaassutsip imminut akilersinnaanissaa eqqarsaatigalugu utoqqalinermit siusinaartumillu pensionisiaqartitsisarnernut tunngatillugu allanngortinneqarsimapput, qanoq sukkatigisumik nammineq saniatigut isertitaqarsimagaanni tapiissutaasartut annikillisinneqartarneritigut. Assersuutigalugu utoqqalinermit pensionisialik maannamut sanilliullugu marloriaammik amerlanerumik pissarsiaqartalissaaq maannamut aaqjissuussinnermut sanilliusissagaanni.

Pensionisiat nutaamik aaqjissuuteqqinneqarnerannut tunngatillugu namminerisamik saniatigut isertitarineqartarput naapertorlugit pisartakkat appartikkiartuarneqartassapput. Attartukkanik ineqarnermut tapiissutaasartut pillugit inatsisip allanngortinneqarneratigut taakkua appartikkiartarnerannut sunniuteqartussaassanngilaq, tassami aamma siunissami alloriarnerni killigitat aamma imminnut ungasingaatsiartussaassammata. Ineqarnermut akiliutinut tapiissutaasartut piffinni assigiinngitsuni qaffasissutut inissisimaannarumaarpoq. Ineqarnermut akiliutinut tapiissutaasartut pillugit nutaamik aaqqiinissaq aatsaat pisussatut naatsorsuutigineqarpoq ineqarnermut akileraartarnermullu nutaamik aaqjissuusseqqinnissat qinersiviup matuma naannginnerani aaqjissuusseqqittoqarnissaata kingunerisaanik.

7) Siunnersuummi § 8, imm. 2 naapertorlugu isertitanut killissarititát qanoq aningaasartallit Naalakkersuisunit aalajangersarneqalersaarpat?

Soorlu Ilaqutariinnermut Peqqissutsimullu ataatsimiititaliap apeqqummi 6-imi inatsisissatut siunnersuuteqarnermi kissaatigineqarpoq, ineqarnermut akiliutinut tapiissutit innuttaasunut tapiiffigineqarnissamut pisariaqartitsisunut kisiat tunniunneqartassasut. Aqutissiuussiniarnerit tamatumani atorineqartussat tassaapput piffissami atuuttumi isertitarisat naatsorsuinnermi atorineqartarnissaat. Nutaamik nalunaarusiortoqarnissaata tungaanut maannamut killigititát atorineqarsimasut naapertorlugit naatsorsuussisoqartassaaq. Nalunaarusiassaq nutaq pillugu apeqqut 9-mut akissutigisaaq innersuussutigineqassaaq.

8) Akileraarusiuffiup kommunillu massakkut isertitanik sukkulluunniit naatsorsuisinnaappat? Isertitat allannguutaat il.il. pillugit sukumiisumik nalunaartussaataaernerup aammalu illoqutigiit isertitaat pillugit immersuinissamut nalunaaruteqarnissamullu ullumikkornit ajornannginnerulernissaata qulakkeerniarneqarnissaa pillugu kommunit ikiorneqarnissaat pilersaarutigineqarpa?

Piffissami isertitarisat innuttaasunut tamanut qaammatit kingulleq isertitarisimasat aallaavigalugit naatsorsorneqartallissapput. Maannakkorpiaq isertitarisat nalinginnaasumik nalunaarutigineqartartussaassanngillat, kisiannili Akileraartarnermut Aqutsisoqarfimmiit paasissutissat pissarsiarineqarsimasut naapertorlugit naatsorsuisoqartassalluni.

Innuttaasup isertitarisimasai malunnaatilimmik allannguuteqarsimassappata, pineqartoq kommunimut saaffiginnissuteqarsinnaasassaaq taavalu naatsorsuunneqarsimanini allanngortikkiartorlugu. Innuttaasulli taamaasiussaguni paasissutissat pisariaqartut nassartariaqartassavai, soorlu akissarsiatigut allagartat, tunisisarnermi isertitat allagartaat, soraarsitaasimanermit uppersaasat il.il.

9) Inissiani attartortittakkani ineqarnermut tapiissutit pillugit nalunaarutissamut missingiummik ataatsimiitsitaliamit takuneqarsinnaasumik peqarpa?

Maannangaaq isertitat killissaat il.il. pillugit nalunaarutissatut siunnersuummik saqqummiussassaaqanngilagut. Nalunaarusiaq inatsit akuersissutigineqareerpat suliarineqartussaassaaq, tamatumali kingorna nalunaarusiassaq tusarniaassutigineqartussaassalluni. Tusarniaanikkut soqutigisaqartut innuttaasulli siunnersuuteqarnissamut isummersornissamullu periarfissinneqassapput. Nalunaarusiaq tusarniaanermi akissutigineqartut sapinngisamik tusaaniarlugit naammassillugu suliarineqarumaarpoq.

Martha Lind Olsen
Martha Lind Olsen